



JICA Alumni asocijacija u Bosni i Hercegovini

*JICA Alumni asocijacija u Bosni i Hercegovini danas broji 100 članova koje predvode:*

**Organi Asocijacije:**

- Skupština
- Upravni odbor

**Predsjednik Udruženja:**

- mr. Marko Tutnjević

**Potpredsjednik Udruženja:**

- mr. Dunja Pejić

**Upravni odbor:**

- Melika Brković, predsjednik
- dr. Admir Mulahusić, član
- dr. Petar Gvero, član
- Ranka Mandić, član
- mr. Davor Alagić, član
- Živorad Kovačević, član
- mr. Jozo Bejić, član
- Tarik Hadžić, član
- mr. Toni Nikolić, član

*JICA Alumni asocijacija u Bosni i Hercegovini izražava zahvalnost svima koji pružaju podršku u implementaciji ostvarenih aktivnosti, a prije svega to su:*

*JICA / naši članovi*

*JICA Balkan Office's Contact Point in Sarajevo*

*JICA Balkan Office, Beograd*

*Ambasada Japana u BiH*

*Ministarstvo vanjskih poslova Bosne i Hercegovine*

*Kontaktirajte nas, spremni smo reći Vam više o sebi.*

*Pridružite nam se!*

[www.jicaalumni.ba](http://www.jicaalumni.ba)

Aktivnosti JICA Alumni asocijacije u BiH 2010/11




JICA Alumni asocijacija u Bosni i Hercegovini



Japan International Cooperation Agency

## Dani Japana u Banjoj Luci

Ove godine smo prvi put u sklopu redovno planiranih aktivnosti JICA Alumni asocijacije, a uz punu podršku Ambasade Japana u Bosni i Hercegovini, organizovali manifestaciju "Dani Japana" koja se održala u Banjoj Luci 21. i 22. marta. Radi katastrofalnog zemljotresa i cunamija koji su pogodili Japan 11. marta, odlučili smo da ovom prilikom, ne samo promoviramo njegovu kulturu, već da pružimo veliku podršku nastradalom stanovništvu i naporima ka što ranijoj stabilizaciji i normalizaciji situacije.



Banjalučani, koji inače do sada nisu imali priliku upoznati se sa japanskom arhitekturom, kinematografijom, gastronomijom i običajima, u velikom broju su ispratili sve događaje i poslali poruke prijateljstva narodu Japana. Pored predavanja o modernim tendencijama u japanskoj arhitekturi, koje je održala mr Nermina Zagora, dipl.arh. i prezentacije stipendija Vlade Japana od strane kulturnog atašea Ambasade Japana u Sarajevu, Tamaki Usuda, ljubitelji japanske kulture imali su priliku poslušati lična i veoma impresivna iskustva dr Suzane Gotovac-Atlagić i Radovana Pavlića o njihovom životu u toj fascinirajućoj dalekoistočnoj zemlji. Prikazan je i kratkometražni film makedonske režiserke iz Tokija Andrijane Cvetković "Time of the wave", nakon čega je upriličena degustacija sušija i sakea. Tokom manifestacije gđa Tamaki Usuda je u ime Ambasade Japana u BiH primila na poklon posebno dizajniran plakat od strane neformalne grupe građana sa riječima podrške na japanskom i srpskom jeziku, kao još jedan odraz saosjećanja sa zemljom i narodom koji nam je nesebično pomagao (i dalje pomaže) u izgradnji i razvoju Bosne i Hercegovine.

## Radionica "Procjena geološkog hazarda - zemljotresi"

Upravni odbor JICA Alumni udruženja BiH se usaglasio da podrži organizaciju radionice posvećene seizmičkim aktivnostima (zemljotresima) u okviru aktivnosti radne grupe "Geohazardni - seizmika", sa namjerom da inicira projekte i podrži globalne napore vezane za smanjenje posljedica zemljotresa, kako bi se ljudske žrtve i materijalna šteta smanjili na najmanju moguću mjeru i društvo dodatno edukovalo o ponašanju u ovakvim situacijama. Osim toga, trebalo bi jačati institucije koje se bore sa posljedicama potresa i rade na sanaciji istih.

U skladu s gore navedenim, 09. decembra 2010. godine je održana radionica "Procjena geološkog hazarda - zemljotresi"

u Sarajevu u hotelu "Saraj" uz učešće 14 stručnjaka iz sljedećih oblasti: geologije, seizmologije, geodezije, građevine i međunarodnih projekata, budući da su zemljotresi multidisciplinarni problem.

Nakon kratkog uvoda i prezentacije Mr.sc Tonija Nikolića, uslijedila su dva predavanja:

- Prof. dr Drago Trkulja iz Banja Luke, "Banjalučka seizmogena zona"
- Prof. dr Hazim Hrvatović iz Sarajeva, "Mehanika tektonskih ploča i mikrozoniranje BiH tektonskog sklopa".

Potom je uslijedila aktivna diskusija, tokom koje su razmijenjena različita iskustva učesnika i na kraju donesene preporuke koje se mogu sumirati u dvije grupe:

1. osmišljavanje projekata vezanih za podizanje javne svijesti i obrazovanja ciljanih grupa
2. kadrovska jačanje seizmoloških institucija i iznalaženje mogućnosti za dodatnu edukaciju i stipendiranje post-diplomskih i doktorskih studija mladih stručnjaka iz ove oblasti.



## Projekat "Promocija ekološke svijesti"

U Sarajevu je 13.12.2010 godine u prostorijama OŠ "Isak Samokovlija" održano predavanje na temu

"Očuvanje životne sredine-otpad i reciklaža"

a u okviru projekta "Promocija ekološke svijesti" koji je finansiran od strane JICA-e.

Projekat je targetirao ciljnu grupu starijih osnovaca i njihovih predavača, kao i posredstvom djece njihove roditelje.

Predavanje je pratilo dva kombinovana razreda uzrasta šestog, sedmog i osmog razreda, kao i članovi ekološke sekcije OŠ "Isak Samokovlija".

Predavanje su organizovali i predavali prof. Dženita Batinić vođa ekološke sekcije i predmetni nastavnik i Živorad Kovačević, projekt koordinatorka. Predavanje je proteklo u izuzetno interaktivnoj atmosferi i diskusijama vezanim za očuvanje životne sredine, reciklažu i primjere kao i pitanja vezana za otpad i odnos prema njemu u sredini u kojoj živimo.

Organizaciju predavanja u OŠ "Isak Samokovlija" izuzetno je pomogla gospođa dr. Lejla Mulahusić koja je kao član školskog odbora prepoznala i podržala ideju projekta "Promocija ekološke svijesti", kao i direktor škole g. Kenan Vučijak koji je također prisustvovao predavanju.

Na kraju predavanja podijeljene su prigodne majice sa natpisom "čuvajmo prirodu-čuvajmo naš grad" i letci sa temom širenja i promocije ekološke svijesti. Učenici, nastavno osoblje i menadžmet škole su sa zadovoljstvom ispratili predavanje i ostavili otvorena vrata za daljnu saradnju.



## Regionalni seminar o eko turizmu

JICA Alumni u BiH je u martu 2011. organizovala Regionalni seminar o eko turizmu na kojem su učestvovali, pored brojnih domaćih gostiju, i predstavnici iz Albanije, Srbije i Makedonije, kao i predstavnici JICA ureda iz Tokija. Na seminaru su predstavljene prezentacije zemalja učesnica o razvoju eko turizma i problemima sa kojima se susreću u tom polju, kao i to šta bi se urgentno trebalo učiniti kako bi se razvoj ove izuzetno prosperitetne vrste turizma olakšao. Učesnici su se složili da će regionalizacija u ponudi eko turizma uveliko doprinijeti privlačnosti i boljem marketingu, s obzirom na geografsku blizinu zemalja i raznovrsnost ponude. Dogovoreno je da se nastavi sa saradnjom kako bi ista mogla biti konkretizovana zajedničkim projektima i, na kraju, integrisanom ponudom. Koordinator projekta je bila g-đica Melika Brković.